



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

Name of School : PENTECOSTAL YU LEUNG FAT PRIMARY SCHOOL
学校名称 : 五旬节于良发小学
Name of Play 剧名 : 谁最聪明?
Script writer 剧作者 : 黄赛珍老师

Synopsis 故事大纲 :

学校来了两位来自外国的交流生福尔摩摩和柯兰，他们和本校学生胡吕、胡道等都参加了国际推理解难大赛，个个都想赢出比赛，证明自己是最聪明的人。他们在野外进行比赛期间不幸遇到山贼，如何可以化险为夷呢？他们当中，谁又是最聪明呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

第一场

人物： 胡吕、胡道、福尔摩摩、柯兰、多嘴、小丁

地点： 学校大门前

时间： 早上

(胡吕、胡道站在台中，向台左张望)

道： 够钟啦，点解仲未见人？

吕： (一副料事如神的样子) 佢哋初嚟步到，当然系有咁准时！

多： (从右面入，大声地) 喂！糊哩糊涂！（胡吕、胡道吓了一跳，转向多）

道： 多嘴！咩「糊哩糊涂」？我地系学校里面最聪明慨人！系全校解难大赛慨冠军！

吕： 你两只眼睇清楚，我哋系两兄弟，我系阿哥胡吕

道： 我系细佬胡道

多： Sorry 啰！（好奇地）你哋喺度做乜？

道： 校长吩咐我哋喺度迎接嗰两个由外国嚟慨交流生。

多： (恍然大悟) 哦！

摩： (风度翩翩) Good morning everybody! (一边说，一边从左面入)

(吕等向左看)

道： (有点忙乱，急道) good..... good morning.

摩： (发音不准) (一边说，一边走到台右) (吕等目光跟着摩移动) 唔使紧张，出发嚟香港之前一日，我已经学咗广东话啦。

道： (惊讶地) 学咗一日就识！我谗呢个世界上应该都唔会有第二个咁聪明慨人啦！

兰： 咁又未必嘅呢！（一边说，一边从左面入）

(吕等向左看) (兰走到台左，吕等站在摩和兰中间)

兰： (用日文讲) Ohayo gozaimasu (早晨)！

道： 讲日文慨？你一定就系由日本嚟慨交流生啦！

吕： (惊讶地) 唔通你就系柯南？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

兰： (用力地) 少年侦探柯南系我哥哥，我就系佢慨妹妹，嚟香港参加比赛，我叫做柯兰，(用力地) 请大家多多指教慨呢！(鞠躬)

摩： (向兰，绅士地鞠躬) Nice to meet you, I am come from England, (发音不准) 我系神探福尔摩斯个孙个孙个孙， my name is 福尔摩摩，我系交流生，又嚟比赛。

吕： 有你哋参加今次慨国际推理解难大赛，一定会好精彩！

摩： (发音不准) (自信地) 我嚟自侦探家族，今次慨冠军我系志在必得！

兰： 中国人有句说话「一山还有一山高」，边个系推理之王，而家都未知慨呢！

(吕等站在中间，不停向左向右望) (后面传来惨叫声)

丁： 哎呀！

(丁跌倒在地上，簿册散落一地)

多： (跑过去扶起丁) 小丁，你有冇事？无端端点解会跌亲？

兰： 呢个同学大概系身高 135cm，体重约莫系 34 公斤，属于偏瘦，呢迭簿册，总共有 34 本，重量约莫有 1.8 公斤，簿册慨重量超出咗佢慨负荷能力，所以跌亲。

吕等： (佩服地点头) 原来系咁！！！

摩： (发音不准) 呢个同学慨嘴角有忌廉污渍，左手手指有饼碎，应该系一路行一路食野，注意力不集中，所以跌倒亲。(丁连忙抹嘴及手指)

吕等： (佩服地点头) 原来系咁！！！两位真系料事如神，旗鼓相当啊！！！

丁： (仰慕，兴奋地) 两位大人太聪明！推理解难大赛慨冠军，一定系两位啦！

摩： (发音不准) 两位？

兰： 两位？

(摩、兰两人对望，露出凌厉的眼神，发出电光，两度电光在空中相遇，爆出火花，空中爆出轻微的「朴朴」响声)

吕等： (好奇地抬头，东张西望，疑惑地追寻声的来源) 乜嘢声？打雷咩？

(摩、兰保持对望，以凌厉的眼神刺向对方)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

第二场

人物： 胡吕、胡道、怪婆婆、怪爷爷、小怪怪

地点： 荒山野岭

时间： 晚上

(幕闭) (胡吕、胡道站在台右，满脸担忧)

吕： (无精打彩) 唉！天都黑晒啦！（稍停）估唔到今年慨解难大赛要实地系野外进行，真系估佢唔到嘢！

道： (沮丧) 早知就同摩摩佢地一齐行啦。（望四周）呢度荒山野岭，手提电话又收唔到讯号.....

吕： (东张西望，突然，指后方远处) 咦！个度有间屋仔喎！我地过去睇下啦！

道： (害怕地，拉住吕) 咪住！个间屋仔烂蓉蓉，唔知会唔会有鬼呀？

吕： 唔好自己吓自己！快啲行啦！（吕拉道从左入）

(幕开，怪氏家客厅) (吕、道从左入，站台左)

吕： 无拴门慨？(大声) 请问有无人呀？(稍等) 请问有无人呀？(安静，没人回应。吕、道对望一眼)

道： (轻声地) 好似无人喎。

(怪蹦蹦跳跳从右入，怪婆婆、怪爷爷跟在后面)

怪： (欢天喜地，大声地) 有人呀！有人呀！（冲到吕、道面前）你估唔估到系边个呀？

吕： 呀.....(吕想回答，来不及开口)

怪： (欢天喜地，大声地) 果个人咪就系我嘢！（大笑）哈！哈！哈！哈！系唔系好好笑？

(吕、道对望一眼)

道： (向吕，轻声地) 佢好似有啲怪怪地。

怪： (跳起，惊讶地、大声地) 哗！！！哥哥，你好聪明！你估到我地屋企系姓「怪」！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

(傻笑)

吕、道： (异口同声) 怪？

怪： (欢天喜地，傻笑) 系呀，大家叫我小怪怪，(指爷) 叫我爷爷做怪爷爷，(指婆) 叫我嬷嬷做怪婆婆。

吕、道： (战战兢兢地向) 怪爷爷，怪婆婆，你地好。

(婆走到吕、道面前)

婆： (一脸慈祥地) 你地食左饭未？

吕、道： (惊喜，异口同声) 未啊！

婆： (一脸慈祥地) 好呀！

(吕、道充满期待地望住婆。婆走到沙发前，安静坐下。吕、道诧异，对望一眼)

爷： (向吕、道，冷淡地，大声) 坐！(吕、道吓一跳)

怪： (欢天喜地，傻笑) 爷爷撞聋，讲野好大声，嘻嘻嘻。

(吕、道点头，战战兢兢地走到沙发前坐下)

爷： (自言自语) 不速之客。

(吕、道闻言，吓得马上站起来)

吕： (有点尴尬) 不好意思，我地同大比赛会失去左联络……

爷： (冷淡地，大声) 算。(转身，从右出)(吕、道诧异，望右，看爷出，对望一眼)

怪： (悄悄走到吕、道身右，欢天喜地，傻笑) 嘻嘻，(吕、道吓一跳，望怪) 爷爷唔钟意讲野。

婆： (悄悄走到吕、道身左，一脸慈祥地) 你地食左饭未？(吕、道吓一跳，望婆)

吕、道： (异口同声，有点害怕地) 未……呀……

婆： (一脸慈祥地) 好呀！(转身，从右后出)(吕、道惊慌，望右，看婆出，对望一眼)

怪： (站吕、道身右，欢天喜地，傻笑) 嘻嘻，(吕、道吓一跳，望怪) 嬷嬷脑退化。

(怪转身，欢天喜地，傻笑，哼着歌，蹦蹦跳跳从左出)(吕、道害怕，望怪出，对望一眼)

吕、道： (异口同声，轻声地) 佢地好得人惊呀！

道： (轻声地) 不如走㗎。